

Filemoon rai

Faborohacha letoai

Acaauru coaauwane biha Faborone

¹Canune Faboroneein Jesocurisito coreniha caresero cuhane neein cana nejera Timoteeo aina, ii canacaanu amihaneeo que canacaanu coroatajane-raneein neeine rai, caa quiricha laenaain letoacaanura Filemoon.

²Chaen Jesocurisito ranojoneein iclesianein nenacaauru- ii loreri asaee ii aina netaojianacaauru, chaen canacaanu amihaneeo que canacaanu coroatajaneranein nenacaauru- cana nejera ene neein nena- Apia aina Arquipo, naaonjoainuri rai netonaine caa laenaain letoacaanu. ³Cana Inaca Cana Coaunera, rai Calaohi Jesocurisito, naaonjoainuri jeelai amuritoeriin inara coroatajanecurumiinte raotojoein neeiche.

Coichana aina cutaain belaina inaaain esenetaain niha Filemoonne

⁴Cana Coaunera bajaanune naineeine, itolere bana ii coacuhin Cana Coaunera corojeeun, ⁵Cana Curuaanaa Jesocurisito belaaain jataain esenetaaine rijijieein satiin Cana Coaunera cachanein nenacaauru belaaaine beeuruhane jaun. ⁶Nii jaunne ii canacaanu rijijieein acaacha esenetaain neeine jaun, jataain canacaanu rai

caohacha icharaneein, canacaanu coroatajaneranein niha Jesocurisitone coitucuhin neeine coina, Cana Coaunera bajaan ii rai. ⁷Jataaina jeelai amuritoheriin corajeein rachoojoeun casuujua cuhane. Jataainte caohacha ichaai canejera, Jesocurisito esenetaeranein nenacaauru belaaain, acaauru suujua nunaaine jaun.

Atiin canu coreniha ii letono Onesimo raau.

⁸Canu Jesocurisito rai afosoto nichaanne jaunte niqui ne canu rai rauhi, iicha chanenu ichaaine coina ii letoaanune coina. ⁹Nena raujiaain nii canaacha belaaaneein canaacha esenetai coreniha ichei aitoreeunni. Canuna Faboronein- inae biinaaneein- Jesocurisito coreniha caresero cuhane netiin ichei aitoon, ¹⁰cau cajinichaaain caresero cuhane neein, Jesocurisito coreniha cacalabi rijijieein nena Onesimo belaaaine coina.

¹¹Jauriaalute niqui ichei chaque nelatelanaala, ii letononeein nelu Onesimo. Nete laen inae ena jiniiquiin cana rai jataain nelateinnein ne. ¹²Inae nacoauneein jelaiha ii rene cauhane coina letoaanu. Atiin canu coaraaine rijijieein nii coaraain neeu. ¹³Cana Coaunera ere beebejihanune coreniha,

cau caresero cuhane nihanune jaunne, iineein nena rijijieein canuhacha latei icharaneein nihane coina, cau canu aina nihane jereeun niqui. ¹⁴Nena jereneeine coataa aihane jereneun. Nabana canu ii caje bajaanune jaauncha jereeine coataa, ii suujua caje coauneein jereeine jerichaaunne jaun. ¹⁵Jerihane ena chabana satonoelanaala ii aina nihane cointate, ii caje amuhin nelu- nii ii letono Onesimo. Nete inae naineneei ii letono siriine rijijieein siriine. ¹⁶Raujiaain ii letono siriine amuritoheriin, ii nejeraneei tein belaa in coaraau. Jataaina belaa in coaraaun canu. Nete nii amuritoheriin joanree in cacha rijijieein coaraelanaala, Cana Curuaanaa Jesocurisito coreniha, ii nejeraneei tein coaraaine caohachae.

¹⁷Aihane jaun canaacha esenetai coreniha ii nejeranee in canu coaraa in neeine, nii canu coaraa in neeine rijijieein acaentonai coaraa in raau. ¹⁸Ichei chatohanee in baaso ichaain, ichei rebequii, naaonjoa in ni halune canu cobaraau coreniha. ¹⁹Canuna Faboronee in ichei aiti in caraajenihane caa laenaun. Nii ichei aitocaaunne

rijijieeina, canu ichei coretereuni. Nainichaaun niqui canu que ijiabereeo coreniha rebeoquine coaaucaunne. ²⁰Aihara canejera. Cojuriu Jesocurisito cachanee in nena tocohanee in caa ichei bajaanune rijijiee in aiti in ichaain, Jesocurisito coreniha canejeranee in jaun canu suujua nunaau. ²¹Canuhacha bajai amuritoheriin ichariquii quere tonoraane esenetaanune jaunne caa ichei aiti in laenaun. ²²Nii choae tacaainechu turuhanune jaanu rucuhequine jereeun, caresero cuhane nihanune jaun, cacoreniha bajaabea-jaaequichene tonoraain, inara coaraa uhanune jererichaa in Cana Coaunerane cohajihanune jaun.

Ii coaaucuruha raotojoe in neeu.

²³Jesocurisito coreniha caresero cuhane canu aina nena Efaforasite ii coacue. ²⁴Chaen Maroco, Arisitaroco, Demasi, Locasi, naaonjoainuri canu coroatajanerane in nenacaaurute ii coaau cure.

²⁵Cana Curuaanaa Jesocurisito jeelai amuritoheriin inara coroataja-nemi in.